


5 Pensa bon

5n Kua ta e sinónimo?

- Buska e sinónimo pa kada palabra kursivo den e frasenan aki bou.

alarmante – animalnan – aparte di esei – ilegal – kaba ku –
kompleto – problema – sin sintí – sobrebibí – suseso



Kapmentu di palu ilegal

1. Den selva tropikal rònt mundu tin un *fenómeno* ku ta pidi atenshon.
2. Tin kapmentu *deskabeyá* di palu grandi.
3. Esaki ta algu masha *menasante*.
4. Ora nan *destruí* e flora, esaki tin efekto riba e founa tambe.
5. Ke men, ku e *bestianan* ku tabata biba eiden, ta pèrdè nan lugá di biba.
6. *Ademas* tin ménos mata pa produsí oksígeno.
7. Esei ta loke tur hende, bestia i mata tin mester pa *keda na bida*.
8. P'esei mester pone un fin na e práktikanan *prohibí* akí.
9. Na skol tambe mester dediká atenshon na e *kuestion* akí.
10. Solamente ku un aserkamentu *total* por para e asunto akí.

5o Buska e predikado

- Skibi e siguiente frasenan den bo skref i hala un strepi bèrdè bou di e predikado.

Selvanan tin futuro?

1. Hopi hende ta kap palu pa loko na Asia.
2. Nan no ta tene kuenta ku naturalesa.
3. Europeanan a kore ku e habitantenan original.
4. E habitantenan tabata kuida nan naturalesa.
5. Nan a pèrdè gran parti di nan lugá di biba.
6. Algun sorto di mata asta no ta krese mas.
7. Bestia manera tiger i orángutan a biba hopi aña den e selva.
8. Pero nan habitat tambe a kambia drástikamente.
9. Mas i mas bestia lo disparsé.
10. Nos lo mira nan aki dies aña ainda?
11. Amigunan di tera ta defendé naturalesa.
12. E kapmentu ilegal mester stòp inmediatamente.



7 Tarea variá

7a Drecha frase

E sigüente frasenan a brua. Drecha nan na un manera korekto. Kuminsá ku e parti ku ta kuminsá ku lèter kapital.

1. diferente sorto di – Den e selvanan tropikal – tin – ta biba – lora i sapu
2. di mundu – ta – Rafflesia – di mas grandi – e flor
3. pa otro – na Brasil – ta varia – E klima – di un lugá
4. di Brasil – ta desierto – ku – un parti – Tin
5. ku – 800.000 indjan – Ta kalkulá – tin – ainda – na mundu



7b Drecha e teksto

- Aki bou bo ta lesa un teksto. E promé dos frasenan i e delaster frase ta pará na e lugá korekto. E otro frasenan a brua un tiki.
- Drecha e teksto i skibié den e sekuensia korekto den bo skref.

Ban yuda protegé selva tropikal

Tur aña di nobo ta kap míles di palu duru den selva tropikal.

Zahir ke yuda protegé e selvanan tropikal na mundu.

Despues lo e bai splika tokante palu ku tin stèmpel di e organisashon FSC. Promé e ta bai splika ku ei ta biba vários tribu i hopi sorto di mata i bestia úniko. FSC (Forest Stewardship Council) ta protegé e selvanan tropikal i ta siña hende kua ta e mihó manera pa kap palu.

Kapdó ku kumpli ku tur instrukshon, ta haña un stèmpel di FSC riba nan palu. Masha fásil, e ta bai informá tur konosí kon partikular selva tropikal ta.

Pero kon e ta hasi protegé un selva tropikal si e no ta biba ei?

Tambe e ke trese dilanti ku palu ta sòru pa oksígeno pa hala rosea.

Si abo kumpra solamente palu ku stèmpel di FSC, bo tambe ta aportá pa manten'é selva tropikal.



7c Kontinuashon di e relato di biahe (4)

- Esaki ta bo di kuater dia den selva. Bo ta kanando bo so den e selva i bo ta hiba un sustu ora bo deskubrí ku bo a pèrdè kaminda. Porfin despues di dualu basta, bo ta logra sali for di e selva.
- Deskribí kiko bo a eksperensiá i kon bo a logra sali for di e selva.
- Duna bo opinion tokante e biahe. E tabata agradabel? Bo a siña hopi?

